

Broj: 06-3-34-4330/24
Sarajevo, 31. 5. 2024. godine

Na osnovu Godišnjeg programa rada JU Institut za razvoj preduniverzitetskog obrazovanja Kantona Sarajevo za 2024. godinu i Mišljenja Ad 3 Stručnog vijeće br: 08-04-2815-4/24 od 28. 3. 2024. godine, te slijedom Odluke o objavi Javnog poziva direktorice Instituta br. 01-3-34-4280/24 od 29. 5. 2024. godine, JU Institut za razvoj preduniverzitetskog obrazovanja Kantona Sarajevo d o n o s i:

**JAVNI POZIV
ZA IZBOR RADNIKA JAVNIH USTANOVA U SEKTORU ODGOJA I
OBRAZOVANJA KANTONA SARAJEVO KOJI ĆE SUDJELOVATI NA
MEĐUNARODNIM KONFERENCIJAMA**

Javni poziv se objavljuje s ciljem finansiranja učešća na međunarodnim konferencijama iz oblasti odgoja i obrazovanja odgajateljima, nastavnicima, stručnim saradnicima i saradnicima zaposlenim u javnim odgojno-obrazovnim ustanovama Kantona Sarajevo.

Pozivamo sve zainteresirane odgajatelje, nastavnike, stručne saradnike i saradnike zaposlene u javnim odgojno-obrazovnim ustanovama Kantona Sarajevo da se prijave za sudjelovanje na prestižnim međunarodnim konferencijama koje će se održati u nadolazećim mjesecima. Ove konferencije pružaju jedinstvenu priliku za profesionalni razvoj, razmjenu znanja i iskustava te uspostavljanje novih kontakata sa stručnjacima iz cijelog svijeta.

Uvjeti prijave navedeni su u tekstu ispod kako slijedi:

I

Kriteriji za izbor odgajatelja/nastavnika/stručnih saradnika/saradnika zaposlenih u javnim ustanovama Kantona Sarajevo za finansiranje učešća na međunarodnim konferencijama iz oblasti odgoja i obrazovanja

1. 1. Opći kriteriji

I. I. Pravo prijave na Javni poziv imaju osobe koje ispunjavaju sljedeće uvjete:

- a) da je zaposlen kao odgajatelj, nastavnik, stručni saradnik ili saradnik u javnoj ustanovi predškolskog, osnovnog ili srednjeg obrazovanja;
- b) da ima položen stručni ispit za rad u odgojnoj ili odgojno-obrazovnoj ustanovi;
- c) da je državljanin BiH.

1. 2. Dodatni kriteriji:

- a) da posjeduje radno iskustvo najmanje pet (5) godina u ustanovi predškolskog, osnovnog ili srednjeg obrazovanja;
- b) da posjeduje stečeno stručno zvanje;
- c) da je posljednja ocjena o radu "Naročito se ističe" u skladu s Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika;
- d) posebno priznanje UNSA;
- e) da je autor/koautor udžbenika koji je odobren u Kantonu Sarajevo;
- f) da je autor/koautor različitih publikacija, knjiga, udžbenika, članaka koji su vezani za oblast odgoja i obrazovanja i rad ustanova predškolskog, osnovnog i srednjeg obrazovanja;
- g) da ima učešće u reformskim procesima i drugim oblicima profesionalnog razvoja kroz saradnju s nadležnim obrazovnim vlastima, nevladinim i/ili drugim organizacijama;
- h) da je bio izlagač na nekoj od regionalnih i međunarodnih konferencija iz oblasti odgoja i obrazovanja;
- i) da je trener/edukator na državnim, regionalnim i međunarodnim edukacijama iz oblasti odgoja i obrazovanja;
- j) da je koordinator/trener/edukator na državnim, regionalnim i međunarodnim projektima iz oblasti odgoja i obrazovanja;
- k) da ima aktivno učešće u reformskim procesima i drugim oblicima profesionalnog razvoja kroz saradnju s nadležnim obrazovnim vlastima, nevladinim i/ili drugim organizacijama;
- l) da ima završen kurs stranih jezika;
- m) da ima završen program obuke i stručnog usavršavanja u okviru profesionalnog razvoja, relevantnim za djelatnost predškolskog, osnovnog i srednjeg obrazovanja.

1.3. Obaveze kandidata koji budu izabrani na osnovu objavljenog Javnog poziva

- Odlazak i učešće na konferenciji;
- Podnošenje izvještaja JU Institut za razvoj preduniverzitetskog obrazovanja Kantona Sarajevo (u daljem tekstu: Institut) nakon održane konferencije u skladu s obrascima Instituta;
- Priprema materijala za stručno usavršavanje/obuke i dostavljanje Institutu;
- Gostovanje i prisustvo u medijima o prisustvu konferenciji u organizaciji Instituta;
- Održavanje stručnog usavršavanja/obuke (plenarnog ili radioničkog tipa) za ciljne grupe odgajatelja/nastavnika/stručnih saradnika/saradnika zaposlenih u odgojno-obrazovnim ustanovama Kantona Sarajevo koji realiziraju nastavu u okviru područja/oblasti na koju se odnosila konferencija, u organizaciji Instituta.

Kandidati su obavezni dostaviti sljedeće dokumente:

2.1. Obavezna dokumentacija

- a) Svojeručno **potpisana prijava** na Javni poziv s kratkom biografijom i obavezno naznačenim ličnim podacima (jasno napisano ime i prezime, adresa stanovanja, broj telefona i e-mail adresa);
- b) Diploma/uvjerenje o završenom školovanju;
- c) Uvjerenje o položenom stručnom ispitu;
- d) Uvjerenje o državljanstvu (datum izdavanja dokumenta ne smije biti stariji od šest (6) mjeseci od dana objave Javnog poziva);
- e) Izvod iz matične knjige rođenih;
- f) Motivaciono pismo.

2.2. Dodatna dokumentacija

- a) Uvjerenje/potvrda o radnom stažu i uvjerenje sa šifrom zanimanja koje izdaje fond za penzijsko-invalidsko osiguranje ili potvrdu o ostvarenom radnom stažu kod poslodavca kod kojeg je kandidat radio s tačno naznačenim poslovima i radnim zadacima koje je kandidat obavljao;
- b) Rješenje o stjecanju posebnog stručnog zvanja koje je izdato u skladu s Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika;
- c) Rješenje o ocjeni o radu koje je izdato u skladu s Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika;
- d) Potvrda o posebnom priznanju UNSA;
- e) Dokaz da je kandidat autor/koautor udžbenika koji je odobren za upotrebu u Kantonu Sarajevo;
- f) Dokaz da je kandidat autor/koautor različitih publikacija, knjiga, udžbenika, članaka koji su vezani za oblast odgoja i obrazovanja i rad ustanova predškolskog, osnovnog i srednjeg obrazovanja;
- g) Dokaz da je kandidat ostvario aktivno učešće u reformskim procesima i drugim oblicima profesionalnog razvoja kroz saradnju s nadležnim obrazovnim vlastima, nevladinim i/ili drugim organizacijama;
- h) Dokaz da je kandidat bio izlagač na nekoj od regionalnih i međunarodnih konferencija iz oblasti odgoja i obrazovanja;
- i) Dokaz da je kandidat bio trener/edukator na državnim, regionalnim i međunarodnim edukacijama iz oblasti odgoja i obrazovanja;
- j) Dokaz da je kandidat bio koordinator/trener/edukator na državnim, regionalnim i međunarodnim projektima iz oblasti odgoja i obrazovanja;
- k) Potvrda/certifikat o završenim kursovima stranih jezika;
- l) Potvrde/certifikati o završenim programima obuke i stručnom usavršavanju, u okviru profesionalnog razvoja, relevantnim za djelatnost predškolskog, osnovnog i srednjeg obrazovanja.



Dodatnu dokumentaciju, tačke e), f), g), h), i) i j), dostaviti kao prilog biografije uz navođenje izvora. Ostalu dokumentaciju dostaviti u originalu ili ovjerene fotokopije na adresu:

JU Institut za razvoj preduniverzitetskog obrazovanja Kantona Sarajevo
Aleja Bosne srebrene bb/IX
71000 Sarajevo
(s naznakom "Prijava na Javni poziv za međunarodne konferencije")

NAPOMENA: JU Institut za razvoj preduniverzitetskog obrazovanja Kantona Sarajevo zadržava pravo traženja dodatne dokumentacije relevantne za dokazivanje općih uvjeta predviđenih zakonom i pravo provjere validnosti dokumenata.

Rok za dostavljanje prijava jeste petnaest (15) dana od dana objavljivanja.

Nepotpune i neblagovremene prijave na Javni poziv neće se razmatrati, te se kandidati koji podnesu takve prijave neće smatrati prijavljenim.

Prijave koje odgovaraju uvjetima Javnog poziva procjenjuju članovi komisije koje imenuje direktorica Instituta.



Direktorica Instituta

Senada Salihović